



Tractatvs De Sacramentis Et Censvris

Hurtado, Gaspar

Moretus, 1633

Dispvatio XXV. De Impedimentis tantùm impredientibus.

[urn:nbn:de:hbz:466:1-94788](https://nbn-resolving.org/urn:nbn:de:hbz:466:1-94788)

DISPUTATIO XXV.

De Impedimentis tantum impediens.

DIFFICULTAS I.

Quot, & quæ sint impedimenta tantum impediens Matrimonium.



SUPPONIMVS, impedimenta Iure naturali & antiquæ Ecclesiastico tantum impediens matrimonium, id est, quibus illicitum est aut erat contrahere matrimonium (quamvis validè) fuisse duodecim, quæ sequentibus versibus continentur:

*Ecclesie vetitum, nec non tempus feriatum,
Alique catechismus, sponsalia iungit votum,
Incestus, raptus sponsarum, mors mulieris,
Susceptus propria sobolis, mors presbyteralis,
Vel si peniteat solemniter, aut Monialem
Accipiat: prohibent hæc coniugium sociandum.*

Primum ergo impedimentum impediens ne licitè contrahatur matrimonium, quamvis validè, est *Ecclesie vetitum*, id est prohibitio Iudicis, ex iusta causa prohibentis aliquibus matrimonium ad tempus, ut quando dubitatur de impedimento inter eos, donec liquidd constet. Obligat autem sub mortali, utpote prohibitio rei grauis. Eam autem prohibitionem posse fieri à Parocho, aduertunt Antoninus 3. part. tit. 1. c. 16. Sancius lib. 3. disp. 16. & Basilius lib. 6. c. 7. Ex cap. fin. de Clandestina desponsatione, extrajudicialiter tamen.

Antonin.
Sancius.
Basilius.

Secundum est *Tempus feriatum*, id est prohibitio Iuris, quæ pro certis temporibus Iure ipso prohibetur matrimonium solemniter celebrari. Et quamvis Iure antiquo id pro pluribus temporibus prohiberetur; iam tamen Iure nouo Tridentini sess. 24. c. 10. tantum prohibetur ab Aduentu vsq; ad diem Epiphaniæ, & à die Cinerum vsque ad Octauam Resurrectionis inclusiue: prohibetur autem tam antiquo quàm nouo Iure Tridentini, non matrimonium contrahere, sed solemnitas consistens in benedictionibus nuptialibus, & in traditione sponsæ in domum sponsi comitatu solenni, seu splendido conuiuio, & aliis lætitiæ signis, ut paucis quibusdam exceptis, docent communiter Doctores, & indicat Tridentinum dum ait:

Trident.

Antiquas solemnium nuptiarum prohibitiones sancta Synodus obseruari precipit. Iam verò non nisi benedictiones nuptiales prohibita videntur pro dictis temporibus, & non traditio sponsæ conuiuio, & reliquis lætitiæ signis comitata; quia huius prohibitio opposita consuetudine tolerata cessasse videtur. Prohibitio autem benedictionum nuptialium, quæ perseverat, obligat sub mortali, ut docent communiter Doctores, & deducitur ex Tridentino, & constat ex grauitate rei prohibita. Quod verò à nonnullis dicitur, pro dictis temporibus etiam prohiberi actum coniugalem, abique fundamento dicitur.

Trident.

Tertium est *Catechismus*, quo quis pro baptizando aut pro iam baptizato responderet Sacerdoti interroganti, an credat, & an renuntiet diabolo, quis non teneat baptizatum, ut constat ex cap. 2. de Cognatione spiritali, in 6. Hoc tamen impedimentum iam videtur à Tridentino sess. 24. cap. 2. sublatum, ut contra Bartholomæum Ledesma & Ochaguiam aduertunt Sancius disp. 10. Aggidius disp. 30. dub. 3. & Basilius lib. 6. cap. 11. dum in Baptismo tantum vult contrahi cognationem spiritalem inter baptizatum eiusque parentes ex vna parte, & inter baptizantem & eius patrem ex altera, omni alia cognatione sublata. Ex catechismo autem fit impedimentum aliquod, oneratum tantum fit cognationis spiritalis, quamvis imperfecta.

Quartum est *Sponsalia*, quia hæc initia cum viua impediunt Iure naturali ne licitè contrahatur matrimonium cum altera; quia id est contra fidelitatem, & regulariter etiam contra iustitiam: impediunt autem sub mortali, quando etiam obligant ex iustitia, ut patet ex grauitate rei, & ex rigore obligationis virtutis iustitiæ.

Quintum est *Votum simplex Religionis*, aut castitatis, aut celibatus; quia hoc sua natura seu suo Iure naturali impedit, & sub mortali, ne fiat matrimonium; quia tunc contrahere, est contra fidem Deo datam in re graui, quamvis votum Religionis & castitatis tantum impediunt contrahere cum animo consummandi; quia contrahere abique eo animo, non est contra dictum votum, quia post matrimonium ratum impleri potest, imò votum Religionis ex licentia coniugis etiam post consummatum.

Sextum est *Incestus* cum persona consanguinea coniugis in primo aut in secundo gradu, & etiam cum matre & filia, neutra vxore incestuosi.

Septimum est *raptus* alienæ sponsæ, etiam ipsi consentiente. Octauum est *uxoricidium*. Nonum est suscipere in Baptismo aut in Confirmatione prolem ex propria vxore, quando fit ex malicia, ut est, ex intentione negandi debitum vxori. Decimum est, *Occisio iniusta Presbyteri*. Undecimum est, *publica penitentia*, dum agitur. Duodecimum est contrahere matrimonium cum *Moniali*.

In his septem vltimis impedimentis, nempe in sex dictis criminibus, & in publica penitentia non amplius immoramur, quia iam desuetudine cessarunt, ut testantur Nauarrus cap. 22. nu. 75. Sanchez lib. 7. disp. 17. Aggidius disp. 30. dub. 3. & Basilius lib. 6. c. 14.

Ex dictis constat, iam nullum impedimentum tantum impediens Iure positio statutum periclitari; quia iam tantum impediunt sponsalia & votum, quæ suo Iure naturali tantum impediunt, prohibitio autem Iudicis tantum impedit quando apponitur à Iudice.